

Enformaziuns y Comunicaziuns



Pêsc por l'Ucraina: Le Vicar General signor Eugen Runggaldier á mené fora cösta comunicaziun: „Papa Francësch á detlaré le proscimo dé de Capiun (2 de merz) desco dé d'oraziun y de jaiun por d'öta la Dlijia Catolica. I fedei dess perié por la pêsc tl'Ucraina y con le jiné mostré en sêgno de solidarieté con les porsones vitimes de violénza. Le Vêsko Ivo Muser á ejorté i fedei dla Diozeja da perié y jiné en Capiun por cösta intenziun. En chël dé ales 12:00 sarál d'ötes les ciampanes co sona 5 minuc alalungia por la pêsc tla Ucraina y la pêsc te düc i posé olache al é vera.“


Dé mondial de oraziun: Le vëndres ai 4 de merz vègnel recordé le Dé Mondial de Oraziun dles Ères. La Uniun dles Ères dla valada envièia düc, mo dandadöt les ères, a tó pert a òna dles funziuns co vèn tignides por cösc dé te plü ploanies. **Le vëndres ai 4 de merz:** La Val ales 17:00 - liturgia dla Parora; Corvara ales 17:00 te dljia; San Martin ales 19:00 pla Santa Mëssa. **La sabeda ai 5 de merz:** Longiarü ales 19:00 pla Santa Mëssa; Rina ales 19:15 pla Santa Mëssa. **La domègna ai 6 de merz:** San Ciascian ales 8:30 pla Santa Mëssa; Antermèia ales 10:00 pla Santa Mëssa.

Preparaziun al Bato: La Uniun dles Ères dla valada envièia düc i geniturs co á en viadú da bacé, totes y toc, ala Preparaziun al Bato. Ara sará **en sabeda ai 12 de merz** ales 15:00, te salf de calogna d'La Ila. Al é da s'anunzié al 334 3200396.

KVV Senioreclub: En dedòlonesc ai **22 de forá ales 15:00** él na encuntada tal salf dles manifestaziuns, con aorela cörta y tombola. S'anunzié pa Lidia al 339 7899107.

Scora de Musiga: Les iscriziuns ala Scora de Musiga vèn eniann fates por le pröm iade online, dai 1 ai 31 de merz, tres le sorvisc dl'aministrazion provinciala "myCivis" <https://civis.bz.it/einschreibung-musikschule>. L'azes al sorvisc pón fá tres SPID, CIE (cherta d'identité eletronica) o con la "Cherta dai sorvisc" ativada. Enformaziuns sön www.musikschule.it o te secretariat dla Scora de musiga al 0471 847748.

TIM & LAURA www.WAGHUBSTINGER.de



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: ksottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

27.02.2022 - Otava domègna ia por l'ann
Edema de Capiun - Domègna Grassa

nr. 14

De ci che le cör é plèn, de chël cunta la bocia

Dal Vagnele dô San Luca 6, 39-45

Te chël tomp, á Gejú dit a sù discepu: Sciafia pa en verc da mené en verc? Ne tomarái mo nia entrami te na büja? Le scolare n'é nia sora so maester; vignönn co á emparé döt cant sará ma desco so maester. Ciodi vèigheste pa l'agüz tal edl de to fre, mo dla tre te to edl ne t'an entène nia? Co sciafieste pa da ti dí a to fre: Fre, lascemo trá l'agüz fora de to edl!, deperpo che enstès ne vèigheste nia la tre te to edl? Tö falzun! Tira en iade la tre fora de to edl; spo poste proé da trá l'agüz fora dal edl de to fre. Al n'é nia de bogh lèns co porta de slec früc, no de slec lèns co porta de bogh früc. Vigne lèn conèsciun a sù früc; dai ardiuns ne chèiun degügn fighi, y dla trognera da spinac ne chèiun degüna öa. En bun chescian porta de bun a löm, deache te so cör él de bun; en rio chescian porta de rio a löm, deache te so cör él de rio. De ci che le cör é plèn, de chël cunta la bocia.



Parora dal Signur. - Lalt a te, Gejú Crist!

I meditun le Vagnele



- La „sonta“ de nostes dezijiuns, de nostes intenziuns y de nüsc comportamonc é le cör, o nosta cioscionza. Cösta pó crësce sò bona o ria, aladò che i ti lasciun lerch o manco al Spirit de Gejú.
- Por la porsona jona él emportant da curé ince le cör, le lascé crësce sò bun, evitenn da tó dezijiuns por cativeria, metenn averda ales compagnies y ince al stil de vita - tai ponsiers y tles parores.

I periun ensciö



Da na beliscima oraziun a Santa Maria, scritta dal preo franzeje L. De Grandmaison: „Santa Maria, Oma de Dio, mantin te me en cör desco en môt, frësche y tler desco l'ega de na fontana. Mantin te me en cör sciompl, en cör co se scinca, co é fedel y generus, co ne se desmoncia nia dal bun che al á ciafé y ne coa nia ennant i sènn. Scinchemo en cör umil, en cör co scinca bunté, zonza damané da la ciafé zoruch. En cör gran y sterch co ne se slüj nia dan dla malreconescionza y ne se stancia nia dan l'indiferènza. En cör animé dla gloria de Gejú.“ (Walter Cazzaniga, Parola Amica)

Edema liturgica dai 27.02. ai 06.03.2022		
DOM 27.	8. domëgna ia por l'ann	<i>Marchward, Iulian</i>
08:30	<i>s.m. a La Pli</i>	
9:30	corona	
10:00	gran mëssa por dōta la ploania <i>oferta por la ploania</i>	LAD
	+nc' Erlacher da Torpei - +nc' Pepi Palfrader y Tone Comploi +nt Edi Pizzinini en onú de S. Antone y de Santa Maria dal Bun Consei Bato: Elisa Musner	
Lön 28.	<i>Roman, Silvana, Oswald, Antonia</i>	
18:00	s.m. +nt Alessandri Giuliano +nc' Grunser Maria y Huber Alois +nta Rosetta Falegnami - +nc' da Garsun	DEU
Ded 01.	<i>Albin, Davide, Teresa</i>	
19:30	corona	
Dem 02.	CAPUON, al met man le temp de Carsëma <i>Agnese da Prag, Ines</i>	
18:00	s.m. +nc' de Frieda Comploi - +nt Kosta Josef en onú de S. Ojöp Frenademetz – por les Püres Animes	LAD
Jöb 03.	<i>Cunigunda, Tobia, Friedrich - de d'oraziun do vocaziuns</i>	
	Vijita personala te dlijia y cortina	
Ven 04.	pröm vëndres - De mondial d'oraziun dles eres <i>Casimir, Rupert</i>	
07:30	s.m. por la santa dlijia, le papa y le vesco periun por vocaziuns da preo y mognans periun por la pësc tal monn	LAD
15:00	corona	
Sab 05.	<i>Oliva, Dietmar</i>	
17:30	corona	
18:00	s.m. prefestia dal ann por +nta Angela Ties Plazores dal ann por +nt Angelo Ties de Col +nt Matthias Resch – vís y +nc' de Lore y Robert Kehrler, Longega	ITA
DOM 06.	Pröma domëgna de Carsëma domëgna dla dlijia te ciasa	<i>Fridolin, Coleta</i>
08:30	<i>s.m. a La Pli</i>	
9:30	corona	
10:00	gran mëssa por dōta la ploania <i>oferta por la ploania</i>	LAD
	dal ann por +nc' Angela Erlacher y Tone Terrabona, Stofl da Val dal ann por +nt Rungger Feghile, Hintner dal ann por +nta Rungger Maria Teresa +nt Paul Palfrader da Jung	
→ 19:00	les ciampans sona ete la Carsema y envieia al'oraziun te ciasa	

Der Karneval hat uns in diesen Tagen
fest im Griff,
das Kirchen- ist heut' auch
ein Narrenschiff.
Denn Religion,
der mangelt der Humor,
die kommt mir reichlich seltsam vor.
Wer über eig'nen Mist
nicht lachen kann,
ist ein bedauernswerter Mann,
und für die immer ernste Frau
gilt das Gleiche – ganz genau!
Drum: Die Kirche und der Karneval,
die gehö'r'n zusammen allemal.
Lasst uns also fröhlich sein –
die Fastenzeit kommt von allein!



Manfred Förster

Carsëma

Na bona parora ... sön le tru dla vita
"Recordete porsona, che t'es tera y ala tera jaráste endô zoruch." Cöstes
parores dal ritus de Capiun váI por vignönn de nos personalmonter. Da jogn
ne s'an fajunse forsc nia tan adenfora, mo plö che i agn passa, nes váres plö
sot. La mort y döt co passa é nosc destin uman, a chël co degügn ne pó ti
sciampé. Al é emportant ch'i nes rendunse cunt de cōsta realté, ch'i
conesciunse y azetunse nüsc limic, por ne romagne nia engianés dles
ilujjuns. Tal medemo momont podunse ester coscionc dla dignité, co nes é
gnüda scincada: "Ne sêise nia che i sêis templ de Dio y che le Spirit Divin
abitëia te os ... Le templ de Dio - y chël sêise os - é sant." (1 Cor.)
Le Signur abitëia te nos! Ponsé do a cōsc propi sën de Carsëma, nes fej
ester reconescionc.
Le Signur te me! Idio abitëia te mia surité, Èl é atló te mies têmes, te mi
festidí, te mi dübi.
Èl abitëia vigne de pa me. Èl santifichëia mies pices ligrëzes, che iu tóli sō
con reconescionza y dá ienn ennant. Èl é atló te mia pazionza, che i adori
por me mo ince por i atri. Èl é tal bëgn, che i feji con mio baié y fá; tal
pordené, tal perié. Le Signur abitëia te me y varësc mies delujjuns, mia
colpa. Èl mo dëida, da porté mia crusc y m'accompagnëia sön mi trusc dla
vita cina ala mort.
En de se mostrarál te dōta sōa gloria y mo lasciará tó pert a sōa vita tal
lominus.
Nosta meta é la festa de Pasca tal eternité! (P. Robert Gamper OSB)

Sorvisc dai Ministronc

Lönesc 28/02 (18:00h), Vëndres 04/03 (07:30h): Lea y Oliver Bonato;
Dedemesaledema 02/03 (18:00h): Maja Complojer, Amelie y Valentina Erlacher,
Elena y Emanuel Frenademetz, Emma Mutschlechner, David y Romina Palfrader;
Sabeda 05/03 (18:00h): Michelle Agreiter, Niki Fappani, Andy Ploner, Anita Possamai,
Barbara y Sophie Rungger Kuprian, Angela Trebo, Alicia Angelica Weiss;
Domëgna 06/03 (10:00h): Diana, Madalena y Matthias Deval, Felix y Lena Feichter

